



25. april 2024

UPA2024/46
Mette Arge-Hammeken, Naleraq

Naartunermi, erninermi meeravissiarternermilu sulinngiffeqartarneq pillugu Inatsisartut inatsisaata allanngortinneratigut inuit qitornaminnik, aappaminnik inooqatigisaminnilluunniit toqukkut annaasaqarsimatillugit qaammatit pingasut angullugit aningaasaateqarfimmit akiliunneqarlutik sulinngiffeqarsinnaanissaat anguniarlugu Naalakkersuisut peqquneqarnissaannik Inatsisartut aalajangiiffissaattut siunnersuut. Allannguut UPA2025-mi naammassereersimassaaq.

(Inatsisartunut ilaasortaq Peter Olsen, Inuit Ataqtigiit)

Naartunermi, erninermi meeravissiarternermilu sulinngiffeqartarneq pillugu Inatsisartut inatsisaata allanngortinneratigut inuit qitornaminnik, aappaminnik inooqatigisaminnilluunniit toqukkut annaasaqarsimatillugit qaammatit pingasut angullugit aningaasaateqarfimmit akiliunneqarlutik sulinngiffeqarsinnaanissaat anguniarlugu Naalakkersuisut peqquneqarnissaannik Inatsisartut aalajangiiffissaattut Peter Olsenip inuit ataqtigiit siunnersuutaanut Naleqqamiit imatut oqaaseqaateqassaagut.

Siullermi Peter Olsen qutsagiumavarput taama ullutsinni pingaarutilimmi Inatsisartut aaliangiiffigisassaattut siunnersuuteqarneranut.

Qanigisami annaasaqarneq misigissutsikkut qamuuna anniaat sakkortuinnarani aamma ulluinnaat inuunermi atukkat sungiusimasat inuunermillu ingerlaaseq toqukkut qimagaanerup malitsigisaani ullormiit ullormut minutsimiit minustimut sekundtimiit sekundtimut allanngorluinnartarput, taamaalilluni ulluinnarni inuunerisimap allanngornerani misigissutsillu sakkortuut atornerini oqimaaqatigiinniarnarat ilaatigut paatsiveerulluinnartarlutik. Annaasaqarnerup kingorna ulluinnarni inuuneq ingerlateqqinniarneqartaralarpoq kisiannili misigissuseq allaasarluni, taamaalilluni oqimaaqatigiissinniarnarat sivisusinnaasarluni, misigissutsillu ulluinnatsinni aqutsisorujussuusarlutik: Taamaammat toqukkut annaasaqarnerup kingorna inuunermi atukkami



Naleraq

misigissutsinillu allarujussuit atulersimanagerini oqimaaqatigiisitsiniarluni aqut sakkortullunilu sivirusinnaasaqaaq. Avatangiiserisimasaq imaaliillaanaq nutaamik taarserneqarlunilusoq pisarmat attuumassusilinnut tupannaannarani ingerlariaqqinnissamut aqutissaq taartuinnaallunilusoq ilisarmat avatangiisigilikkamut naleqqussarnissaq aqqummi ingerlavigilikkamut qaamanerup nueqqinnissaa sivirusinnaasaqaaq.

Taamaattumik naleqqamiit oqaatigissuarput qulaani taasakka aallaavigalugit piaartumik aalajangiiffigisassatut siunnersuut suliarineqartariaqartoq Naalakkersuisullu kaammattorusuppagut kattuffiit qulequttamut attuumassuteqartut piaartumik saaffigeriissagai, taamaalilluni Inatsisartut aalajangiiffissaattut siunnersuut tassaasoq: Naartunermi, erninermi meeravissartaarnermilu sulinngiffeqartarneq pillugu Inatsisartut inatsisaata allanngortinneratigut inuit qitornaminnik, aappaminnik inooqatigisaminnilluunniit toqukkut annaasaqarsimatillugit qaammatit pingasut angullugit aningaasaateqarfimmit akiliunneqarlutik sulinngiffeqarsinnaanissaat allannguut taanna ukiamut ataatsimiinnermi 2024 piareereersimassasoq piumasarissagatsigu.

Taamatut Naleqqamiit oqaaseqaateqarluta Peter Olsen Inuit ataqatiigiit aalajangiiffigisassatut siunnersuutaa ataatsimiititaliami UKA2024-mi aaqiiffigisariaqarluninartutut sukumiisumik suliarineqarnissaa Naleqqaminngaaniit innersuussutigaarput ataatsimiititaliarlu Ilaqutariinnermut Peqqissutsimullu Ataatsimiititaliaq sulisuarnissaani kissaapparput.